

Prome Minister a splica:

Ex edificio di Voogdijraad na Emanstraat lo bira un Museo pa Mucha

ORANJESTAD (AAN) — Dilanti di ex-Haven Kantor, cu tambe a wordo ocupa un tempo pa Oficina di Turismo, y despues pa un of otro Minister, Prome Minister mr. Mike Eman a referi na e proyecto di renovacion di e edificio aki, den e di dos parti di e conferencia semanal di prensa di gobierno.

E dignatario a menciona cu aña a habri y e restauracion di e edificio aki ta bayendo cu hopi rapidez, y ta sumamente importante, dentro di e vision total cu gobierno tin di renovacion di centro di ciudad, pa mira con e edificionan aki un pa un ta wordo restaura y revitaliza y cada un ta contribui cu e restauracion y revitalizacion di henter nos pais.

E mandatario ta convenci cu e proyectonan aki ta encurasha sector priva pa drecha nan edificionan sea propio, cu nan ta huur, of cu nan ta interesa pa participa den renovacion den centro di ciudad, pa nan bira proactivo.

E dignatario a mostra contento cu den Caya Grandi poco, poco e fachadanan di tienda

ta wordo mehora, of edificionan completo, y tanto na parti pazuid como panoord por mira e desaroyonan aki manera Edificio di Corte di Husticia y Watertoren.

E mandatario a indica cu el a tuma nota den prensa cu e edificio di famia Fingal lo wordo transforma den un bunita oficina, den e contexto di arkitektura similar na esun di Corte di Husticia y un tiki mas pariba CMB lo construi su oficina nobo, pues esaki kiermen un momento hopi grandi cu Gobierno ta encurasha tambe, tanto den e aspecto directo for di fondonan di FDA, SOGA of gobierno mes, y awor lo pone un plataforma nobo cu ta Renovacion Aruba NV.

El a reitera e proyecto na Emanstraat cu ta e edificio di Voogdijraad cu ta e contribucion di gobierno na Renovacion Aruba NV, cu ta bay bira un Museo pa Mucha, unda cu Stan Kuiperi ta trahando duro riba e concepto, y hunto cu Fundacion Museo pa Mucha tin e plan hopi desaroya caba, y tin contactonan internacional

cu otro museonan pa mucha y awor su soño, cu contribucion di gobierno y sector priva, ta bay wordo realiza y otro edificio lo wordo restaura.

E mandatario a duna di conoce cu documentacionnan cu gobierno por a comparti cu specialistanan durante e conferencia special cu tabata tin pa anuncia e proyecto Watty Vos Boulevard, expertonan a bisa cu na momento cu cambia e condicionnan di bida den un school of un bario, ta eleva e condicionnan di bida di e habitantenan.

Premier Eman a pone como ehemplo e gestion di e Alcalde di Medellin, na Colombia, sr. Fajardo, ken a haci trabaonan grandi den su ciudad, unda a construi den areanan completamente deteriora un cantidad di biblioteca y school y awor a areanan aki a revitaliza y tin un calidad di bida di mehor nivel, y esnan cu prome tabata wordo isola y no tabata participa den e economia, a pone hasta un teleferico den e barionan mas aleha den ceronan y awor e ciudadanonan aki ta bin den centro di

ciudad y participa den e bida economico di Medellin, y e barionan cu antes tabata tin miedo pa bishita a bira cen-

tronan di recreacion. Esaki ta prueba cu ora tin gobernantenan cu tin e curashi di tuma bon decisionnan.